

## 写清明节的古诗大全

1.  
雨晴闲步涧边沙，行入荒林闻乱鸦。寒食清明惊客意，暖风迟日醉梨花。  
书生投老王官谷，壮士偷生漂母家。不用秋千与蹴鞠，只将诗句答年华。  
——陈与义《清明》

2.  
马上逢寒食，途中属暮春。可怜江浦望，不见洛桥人。北极怀明主，南溟作逐臣。  
故园肠断处，日夜柳条新。——宋之问《途中寒食》

3.  
清明上巳西湖好，满目繁华。争道谁家，绿柳朱轮走钿车。游人日暮相  
将去，醒醉喧哗。路转堤斜，直到城头总是花。——欧阳修《采桑子》

4.  
道字娇讹语未成，未应春阁梦多情。朝来何事绿鬟倾。彩索身轻长趁燕  
，红窗睡重不闻莺。困人天气近清明。——苏轼《浣溪沙·春情》

5.  
春来日日困春醒，徂岁如驰得我惊。山寺馈茶知谷雨，人家插柳记清明。  
登阶勃窣晨鸡老，侵路纵横野草生。堪叹筋骸犹健在，强随丁壮事深耕。  
——陆游《春日》

6.  
清明时节雨声哗，潮拥渡头沙。翻被梨花冷看，人生苦恋天涯。燕帘莺  
户，云窗雾阁，酒醒啼鸦。折得一枝杨柳，归来插向谁家？——张炎《朝中措》

7.

看舞颜如玉，听诗韵似金。绮罗从许笑，弦管不妨吟。可惜春风老，无嫌酒盏深。辞花送寒食，并在此时心。——白居易《清明日观妓舞听客诗》

8.  
村落清明近，秋千稚女夸。春阴妨柳絮，月黑见梨花。白鸟窥鱼网，青帘认酒家。幽栖虽自适，交友在京华。——郑谷《旅寓洛南村舍》

9.  
风景清明后，云山睥睨前。百花如旧日，万井出新烟。草色无空地，江流合远天。长安在何处，遥指夕阳边。——刘长卿《清明后登城眺望》

10.  
太守风流甚，吟笺写蜀麻。寻春何处客，映柳阿谁家。蜡炬传新火，朱栏发旧花。月光将欲满，特地炤铅华。——梅尧臣《依韵和三月十四日清明在席呈》

11.  
花阴月，柳梢莺，近清明。长恨去年今夜雨，洒离亭。枕上怀远诗成，红笺纸、小研吴绫。寄与征人教念远，莫无情。——晏几道《愁倚阑令》

12.  
客路逢寒食，清明未到家。起居须药饵，饮食任鱼暇。水净垂垂柳，风迟艳艳花。兴来随处乐，不复问年华。——曹勋《上塘值清明》

13.  
客里遥逢令节，城中不见繁华。南山漠漠烟远，清渭迢迢日斜。独树桃花自发，高楼燕子谁家。可惜年年春色，催人白发天涯。——何景明《整屋清明日》

14.  
轻衫短帽久尘埃，零落香篝愧麝煤。春半工夫花绣了，社边消息燕衔来。岂无绿野供千骑，幸有黄封可一杯。明日清明能出否，凭谁先为扫莓

苔。——陈以庄《春兴》

15.

愿言未偶非高卧，多病无憀选胜游。一夜雨声三月尽，万般人事五更头。年逾弱冠即为老，节过清明却似秋。应是西园花已落，满溪红片向东流。——韩偓《惜春》

16.

雨歇桃繁，风微柳静，日淡湖湾。寒食清明，虽然过了，未觉春闲。行云掩映春山。真水墨、山阴道间。燕语侵愁，花飞撩恨，人在江南。——张履信《柳梢青》

17.

路绕高林尽，舟篷出近湾。鸟啼青竹影，人对绿波间。野色平当坐，春愁巧作颜。已知湖榭近，飞絮落班班。——韩维《清明北园泛池舟中作》

18.

寒食清明却过了，故乡风物祇依然。穷中有客分青饭，乱后谁坟挂白钱。落魄暖春为麦地，阴沉溽雨近梅天。间情正尔无归宿，石鼎新芽手自煎。——戴表元《寒食》

19.

乍暖还轻冷。风雨晚来方定。庭轩寂寞近清明，残花中酒，又是去年病。楼头画角风吹醒。入夜重门静。那堪更被明月，隔墙送过秋千影。——张先《青门引·春思》

20.

上方偏可适，季月况堪过。远近水声至，东西山色多。夕阳留径草，新叶变庭柯。已度清明节，春秋如客何。——皇甫冉《清明日青龙寺上方赋得多字》

21.

晓日清明天，夜来嵩少雨。千门尚烟火，九陌无尘土。酒绿河桥春，漏

闲宫殿午。游人恋芳草，半犯严城鼓。——李正封《洛阳清明日雨霁》

22.

谷中春日暖，渐忆掇茶英。欲及清明火，能销醉客醒。松花飘鼎泛，兰气入瓯轻。饮罢闲无事，扪萝溪上行。——李德裕《忆平泉杂咏·忆茗芽》

23.

寂寞清明日，萧条司马家。留饧和冷粥，出火煮新茶。欲别能无酒，相留亦有花。南迁更何处，此地已天涯。——白居易《清明日送韦侍御贬虔州》

24.

寒食清明数日间，青青杨柳与谁攀。乾坤不尽云边眼，冰雪相堪屋上山。时序只将诗拨遣，穷愁聊以酒防閒。无心自是长生药，莫误丹炉觅大还。——方岳《山行》

25.

少日欢游处，逢春老大悲。强持杯酒劝，怕遣落花随。草木梁园在，山河宋殿移。上坟人尽返，岐路独含思。——李梦阳《庚辰清明东郭》

26.

年华近逼清明，落日微风送行。黄鸟绵蛮芳树，紫骝躞蹀东城。花间一杯促膝，烟外千里含情。应渡淮南信宿，诸侯拥旆相迎。——韩翃《送陈明府赴淮南》

27.

春云驿路暗，游了眇归程。永怀故山下，风雨悲柏庭。翁仲不解语，纲鸟时时鸣。人家插垂柳，客里又清明。——姜夔《春日书怀四首》

28.

如何夜来雨，欲妒清明天。皎皎日华晓，千门罗管弦。风吹绮襦艳，深入杨柳烟。我与君子意，归心皆浩然。——赵崇嶓《寒食雨晴书事》

29.

烟雨海棠花，春夜沈沈酌。寒食清明数日间，人也须行乐。不怕笛声长，只怕风儿恶。烛影红酣宝篆香，楼上黄昏角。——韩滉《卜算子》

30.

年时酒伴，年时去处，年时春色。清明又近也，却天涯为客。念过眼、光阴难再得。想前欢、尽成陈迹。登临恨无语，把阑干暗拍。——曹组《忆少年》

31.

清明前，寒食后，花雨漫天云满岫。谁家小犊力未完，但知逐队随群走。阿呵呵，索头只有翁翁手。当机一掣掣断时，野狂便作师子吼。——释普度《偈颂》

32.

南北山头多墓田，清明祭扫各纷然。纸灰飞作白蝴蝶，泪血染成红杜鹃。日落狐狸眠冢上，夜归儿女笑灯前。人生有酒须当醉，一滴何曾到九泉。——高翥《清明》

33.

清明上巳西湖好，满目繁华。争道谁家。绿柳朱轮走钿车。游人日暮相将去，醒醉喧哗。路转堤斜。直到城头总是花。——欧阳修《采桑子·清明上巳西湖好》

34.

郡内开新火，高斋雨气清。惜花邀客赏，劝酒促歌声。共醉移芳席，留欢闭暮城。政闲方宴语，琴筑任遥情。——张籍《同锦州胡郎中清明日对雨西亭宴》

35.

愁见清明后，纷纷盖地红。惜看难过日，自落不因风。蝶散余香在，莺啼半树空。堪悲一尊酒，从此似西东。——李建勋《金谷园落花》

36.

笙歌登画船，十日清明前。山秀白云膩，溪光红粉鲜。欲开未开花，半阴半晴天。谁知病太守，犹得作茶仙。——杜牧《春日茶山病不饮酒因呈宾客》

37.

洒洒沾巾雨，披披侧帽风。花燃山色里，柳卧水声中。石马立当道，纸鸢鸣半空。墟间人散后，乌鸟正西东。——范成大《清明日狸渡道中》

38.

闻道清明近，春闱向夕阑。行游昼不厌，风物夜宜看。斗柄更初转，梅香暗里残。无劳秉华烛，晴月在南端。——沈佺期《和常州崔使君寒食夜》

39.

时节近清明，去官未放晴。落花春绪懒，飞絮客情轻。新上谁家冢，深林宿处程。相看一卮酒，为尔暂忘情。——郑会《与国军道上》

40.

新叶轻柔宜与藉，芳心疏散不须茸。象床骨冷尺春梦，雾阁神清怯晓风。雨里多情危有泪，月中澄莹望如空。清明寒食人何处，金谷昭阳事不同。——舒岳祥《梨花》

41.

冷食方多病，开襟一忻然。终令思故郡，烟火满晴川。杏粥犹堪食，榆羹已稍煎。唯恨乖亲燕，坐度此芳年。——韦应物《清明日忆诸弟》

42.

冷澹清明节，萧疎斑白翁。不知春事减，但见绿阴重。坐卧书窗书，阴晴啼鸟中。年龄故尔似，贫病亦应同。——赵蕃《初六日呈明叔》

43.

柳如眉，云似发，皎绡雾縠笼香雪。梦魂惊，钟漏歇，窗外晓莺残月。几多情，无处说，落花飞絮清明节。少年郎，容易别，一去音书断绝。——魏承班《渔歌子》

44.

晚霁龙门雨，春生汝穴风。鸟啼官路静，花发毁垣空。鸣玉惭时辈，垂丝学老翁。旧游人不见，惆怅洛城东。——张继《清明日自西午桥至瓜岩村有怀》

45.

共作东州客，同栖古寺深。论交非有旧，不见解相寻。冷过清明节，悲生故国心。此身随所寄，未足问升沉。——陈师道《和董判官寺居作》

46.

日日唯忧行役迟，东归可是有家归。都缘桂玉无门住，不算山川去路危。秦树梦愁黄鸟啭，吴江钓忆锦鳞肥。桃夭李艳清明近，惆怅当年意尽违。——罗邺《东归》

47.

过了清明日愈迟，年华不复在辛夷。谁知绿叶阴成处，正是青天露坐时。茂草满庭喧鼓吹，嫩汤出鼎试枪旗。衰翁敢作明年计？剩与东君惜语离。——陆游《残春》

48.

清明千万家，处处是年华。榆柳芳辰火，梧桐今日花。祭祠结云绮，游陌拥香车。惆怅田郎去，原回烟树斜。——杨巨源《清明日后土祠送田彻》

49.

今日清明节，园林胜事偏。晴风吹柳絮，新火起厨烟。杜草开三径，文章忆二贤。几时能命驾，对酒落花前。——贾岛《清明日园林寄友人》

50.

杨柳蔽杨村，桃花古渡昏。清明犹作客，白日正销魂。天地催时序，关河仗酒尊。何为千里梦，一夜落吴门。——顾闻《明日过杨村》

51.

涉柳正清明，澱湖波更平。雉媒空古迹，鹤唳动乡情。杨柳家家插，桃

花处处生。青山俄在望，咫尺见吴城。——卫宗武《清明行役过澱湖至吴》

52.

江南寒食早，二月杜鹃鸣。日暖山初绿，春寒雨欲晴。浴蚕当社日，改火待清明。更喜瓜田好，令人忆邵平。——陈润《东都所居寒食下作》

53.

江南三月暮春天，上巳清明五日前。红杏园林初过雨，绿杨庭院欲生烟。无花无酒伤今日，宜麦宜蚕胜去年。却怪山中时候早，树林深处有鸣蝉。——虞俦《清明》

54.

岭外无寒食，春来不见饧。洛阳新甲子，何日是清明。花柳争朝发，轩车满路迎。帝乡遥可念，肠断报亲情。——沈佺期《岭表逢寒食》

55.

上巳清明共一时，魏花开处亦连枝。前身应是唐宫女，犹记昭容双袖垂。——周必大《三月三日适值清明会客江楼共观并蒂魏紫偶成》

56.

南国春半踏青时，风和闻马嘶。青梅如豆柳如眉，日长蝴蝶飞。花露重，草烟低，人家帘幕垂，秋千慵困解罗衣，画梁双燕栖。——欧阳修《阮郎归》

57.

清明时节已春深，白发萧疏忽满簪，萍梗一生孤客恨，松楸千里故乡心。浸花窗下分红影，插柳檐前借绿阴。幸有故人同笑语，不妨沽酒共清吟。——黄庚《清明》

58.

一杯麦饭洒悲辛，不尽烟芜旧与新。地下岂无担板汉，世间但有乞墦人。荼蘼芍药几何日，寒食清明又一春。自是老怀多感慨，非干芳草负蹄轮。——方岳《上冢》

59.

天下清明节，江南笋蕨天。乱生无事种，争卖不论钱。带醋香醒鼻，和糟味滑咽。季鹰莼菜念，徒更杂鱼鲜。——曾丰《丁未仲春思乡味会之乐简寄董伯虎》

60.

节候近清明，游人已踏青。插花穿戟户，酹酒向旗亭。日迴林光润，风回海气腥。未知何处乐，归路已严扃。——蔡襄《开州园纵民游乐二首》

61.

林卧愁春尽，开轩览物华。忽逢青鸟使，邀入赤松家。丹灶初开火，仙桃正落花。童颜若可驻，何惜醉流霞。——孟浩然《清明日宴梅道士房》

62.

钟鼓喧离日，车徒促夜装。晓厨新变火，轻柳暗翻霜。传镜看华发，持杯话故乡。每嫌儿女泪，今日自沾裳。——戴叔伦《清明日送邓芮二子还乡》

63.

羁旅看春色，清明客帝乡。花开禁苑密，柳嫋御沟长。玉勒无余地，细车有剩香。尘埃不可久，归梦楚山傍。——孔武仲《和竹元珍寒食次韵》

64.

淇上春风涨，鸳鸯逐浪飞。清明桑叶小，度雨杏花稀。卫女红妆薄，王孙白马肥。相将踏青去，不解惜罗衣。——李嘉祐《春日淇上作》

65.

帝里重清明，人心自愁思。车声上路合，柳色东城翠。花落草齐生，莺飞蝶双戏。空堂坐相忆，酌茗聊代醉。——孟浩然《清明即事》

66.

余霞残雪几多在，蔫香冶态犹无穷。黄昏月下惆怅白，清明雨后寥梢红。树底草齐千片净，墙头风急数枝空。西园此日伤心处，一曲高歌水向东。——韩偓《残花》

67.

南园满地堆轻絮，愁闻一霎清明雨。雨后却斜阳，杏花零落香。无言匀睡脸，枕上屏山掩。时节欲黄昏，无柰独倚门。——温庭筠《菩萨蛮》

68.

清明节，雨晴天，得意正当年。马骄泥软锦连乾，香袖半笼鞭。花色融，人竟赏，尽是绣鞍朱鞅。日斜无计更留连，归路草和烟。——薛昭蕴《喜迁莺·清明节》

69.

花正芳，楼似绮，寂寞上阳宫里。钿笼金锁睡鸳鸯，帘冷露华珠翠。娇艳轻盈香雪腻，细雨黄莺双起。东风惆怅欲清明，公子桥边沉醉。——张泌《满宫花》

70.

微风帘幕清明近，花落春残。尊酒留欢，添尽罗衣怯夜寒。愁颜恰似烧残烛，珠泪阑干。也欲高拌，争奈相逢情万般。——冯延巳《采桑子》

本文链接：<https://duanjuziku.com/duanjuzi/llqzng4a5u.html>